

# Alegria y Fantasía

cu BON DIA ARUBA

## Coastal Social Club

# 40 years celebrating Carnival Fantasy

**I**spiracion di e tema di Coastal Soacial Club ta draai totalmente e aña 'ki rond di King & Queen of Calypso's. E diseño di e trahenan y tambe e coordinacion di esaki ta den man di Alvin Profeet y Ms. Sheryl Richardson.

Mientras cu e banda cu lo compaña Coastal ta Quasi y un banda sorpresa.

Coastal Social Club su intencion ta pa bai bek den tempo y rindi homenaje na e temanan cu a haci historia manera "Road on Fire" "Gege", Indjan, etc. etc.

Diabierna último den un Nanki Club hopi animá tabatin presentacion di e costumes, cu ta encera e temanan ganador di Roadmarch y Calypso King.

E grupo ta conta cu un participacion di 350 persona y lo bai tin masha hopi Bodypiece y Roadpiece luhoso y precioso.

E flota grandi lo tey un biaha mas y cu hopi sorpresa.

Loque ta e característica di Coastal Social Club y cu ta algo sensacional pa esun cu kier participá ta cu nan mes ta welder bo piece pabo, mientras cu e decoracion ta keda den bo man pa bo propio fantasía.

Nos a combersá cu Alvin Koolman & Crew kende a haci un tremendo trabao e aña aki un biaha mas y e ta splica nos lo siguiente:

Coastal Co., ta supply tur material y tambe e weldermento. Pa es cu kier inscribí y paga poco poco, esaki por y lo no tin problema di transportacion di piece, ya cu Coastal Club mes ta zorg pa esaki.

E prijs pa esnan cu ta

compañá e roadpiece ta Fls. 425.--, mientras cu esnan cu ta bai den grupo ta Fls. 200.--

Tambe nos a combersá cu Gigiola, e motor tras di eleccion di Coastal carnival Queen. Ya caba inscripcion pa Coastal Carnival Queen ta habrí y esnan interesá por yama Geraldine Muller na 98452, Herbert Brete of Sharon Colina.

Semper Coastal Social Club tin premionan hopi atractivo pa e ganadora y e aña aki tin dobbel sorpresa dor cu Coastal ta celebrá su promé lustro.

Na momento cu parada iniciá y bo ta tende e tono dushi y vibrante di e banda Quasi, bo ta mira un sin fin di showgirls cu lo presentá nan trahenan mahestousos confeccioná pa Sra. Susan Rodriguez.

E crewmembers lo ta biahando pa New York en busca di material, manera pluma, rhinestones, payette, swaroski etc. etc. Y nos a hasta haya tende cu Clayton Taylor ta mandando un cargamento grandi di un sorpresa masha grandi mes for di Houston. Saludos Clayton, semper aportando na Carnaval, un bon ehempel pa tur otro empresanan.

Y bolbiendo bek riba e plumanan, nos ta puntra nos mes pakiko New York?

Alvin ta comentá cu New York tin un variacion grandísimo y e prijs ta favorable, mientras cu e calidad ta superior.

Coastal Carnival Club ta participá tanto na parada di San Nicolas como na Playa.


No lubidá cu es cu kier

inscribí ainda y kier mas informacion por yama na 94477, Nanki Country Club.

**E** aña aki ta e aña cu masha grupo ta celebrando den grandi nan aniversario. Holiday Inn ta celebrá 25 aña, mientras cu Colegio

Arubano ta celebrando su 35 aniversario e aña aki. Nos a tende cu e comision di mayor tin un reunion awe p'asina cuminsá traha riba un flota masha grandi mes y yuda Colegio all the way pa yega na un grupo grandi y bunita pa celebrá Aruba su Caranaval 40.

Mientras cu Juliana School lo tin nan eleccion di Reina Hubenil e Diasabra aki den Tropicana Ballroom di Royal Cabana Casino, no menos di 8 candidata ta participando pa e título. E eleccion lo ta pa 2.30 di atadi, no falta. □



Coastal Carnival Club ta baha duro honrando nos musiconan y nos cultura



**COASTAL ARUBA**  
The Energy People

*Wishes Aruba's safe  
Carnival 1994  
and congratulates Coastal  
Social Club with the  
innovative idea "40 Years  
Carnival Fantasy"  
with all the Calypso and  
Roadmarch themes.  
We are proud of you!!*

*Flowers always have a special message  
in all situations and for all occasions*

Surprise your loved one with a  
nice Bouquet from:

**Violeta's  
Flower Shop**  
& FLORISTS' SUPPLIES

**We deliver worldwide!**

Rondweg 43, PO Box 660, O'Stad Telephone 23728-31842

